


曾文正公著述八種

第五冊

(詩集)



大達圖書供應社刊行

新式標點 曾文正公詩集目次

四言

題楊忠愍公二疏手草	一
題易公筠亭遺像	一

五古

雜詩九首	一
里胥	三
送吳榮楷之官浙江三首	三
題錢崙仙同年慈竹平安圖二首	四
寄懷劉孟容	五
題周小邨前輩塞外課經圖	五
地用莫如馬二章思賢也	六
題龍九時	六
贈李生	六

西征一首呈李石梧前輩	七
留侯廟	七
柴關嶺雪	八
廢邱關	八
岱雲同年喪妻爲此詩譬之	八
寄弟	九
乙巳春闈謝戴醇士前輩畫竹	九
請醇士前輩畫竹歸貽樹堂題詩一首	一〇
又贈筠仙一幅	一〇
送王子壽荊州五首以高步追許由爲韻	一〇
送陳岱雲出守吉安	一〇
丙午正月二日作	一一
題簞谷圖	一二
送王孝鳳之雲南卽題其尊人松菊圖	一二
題錢崙仙賴燭修書圖	一二

題孫君采芝圖二首	一三	送黃恕皆使秦中	二〇
訓陳慶覃侍御	一三	北堂侍膳圖爲姚吏部題二首	二〇
小池	一三	題陳氏五世鄉賢遺像	二一
茲晨	一四	韓齋爲孔舍人題	二一
失題	一四	桐蔭消夏圖爲史吏部題	二一
題泛海圖	一四	題苗先麓寒鐙訂韻圖	二二
秋懷詩五首	一四	養閒草堂圖爲潘博士題	二二
訓薛曉颿	一五	陶太常小像	二二
送舒伯魯	一五	會合詩一首贈劉孟容郭伯琛	二三
劉叟詩	一六	王母方太夫人詩	二三
送莫友芝	一六	贈李眉生	二四
題彭旭詩集後卽送其南歸二首	一七	題俞蔭甫羣經平議諸子平議後	二四
丁未六月廿一爲歐陽公生日集邵二寓齋分韻	一七	謝王壬秋徐州見贈之作	二五
得是字	一七	附伎求詩二首	二五
送黎樾喬待御南歸五首	一八		
題季仙九師采蘭蓺菊圖	一九		
題朱伯韓詩集後十首	一九		
		七言古	
		謝疊山賣卜研爲劉太守題	二六

送凌九歸……………二七

送楊春皆歸……………二七

題毛西垣詩集後卽送之歸巴陵五首……………二七

題顧南雅先生畫梅應何子貞……………二八

傲奴……………二九

瑣瑣行戲簡何子敬乞醃菜……………二九

反長歌行……………二九

題書蘭三首應田敬堂同年……………三〇

贈何子貞前輩……………三〇

題唐鏡海先生二圖……………三一

感春六首……………三二

爲何大令題明趙忠毅公鐵如意……………三三

喜筠仙至卽題其詩集後……………三三

六月二十八日大雨馮君樹堂周君荇農郭君筠……………三三

仙方以軾事困於場屋念此殆非所堪詩以調……………三四

之……………三四

荇農旣和余詩而三子者皆見錄於有司乃復次……………三四

韻……………三五

題明陳忠愍公雪聲堂硯爲唐觀察樹義作……………三五

題醇士前輩爲溟生師畫竹疊前韻……………三六

訓岷樵……………三六

移居偶成……………三七

陳慶覃鈔詩題辭三首……………三七

憩紅詩課戲題一詩於後……………三八

書朱皋亭家傳後……………三八

送周文泉大令之官城武……………三九

送凌十一歸長沙五首……………三九

送謝果堂前輩歸江南……………四〇

題王少鶴饔砧課讀圖……………四一

丙午初冬寓居報國寺賦詩五首……………四一

訓李生三首……………四二

次韻戴醇士邵蕙西見過……………四二

題平谷山莊圖……………四三

題王麓屏扁舟歸養圖二首……………四三

書嚴太守大關賑糶詩後	四三
送黎樾喬侍御南歸	四四
題張石舟煙雨歸耕圖	四四
太學石鼓歌	四五
題朱伯韓侍御之尊人詩卷手蹟	四五
題簪笄谷圖	四六
答李生	四六
題唐本說文本部應莫邵亭孝廉	四七
贈吳南屏	四七
游金山觀東坡玉帶詩	四八

五律

早起憶九弟二首	四九
得郭筠仙書並詩卻寄六首	四九
寄弟三首	四九
獨出	五〇
訪苗先寵	五〇

懷劉蓉	五〇
歲暮雜感十首	五〇
桂湖五首	五一
至日二首	五一
雨	五二
送吳英樾之官浙江兼簡魏黃生大令三首	五二
送鄧伯昭兼簡寡伯醇秀才三首	五三
暮過竹如	五三
東鄰杜氏義塾	五三
送王少鶴	五三
送金竺度之官閩中	五三

七律

歲暮雜感十首	五四
寄郭筠仙浙江四首	五五
三十二初度次日書懷	五六
憶弟二首	五六

漫興	五六
聞客話里中近事	五六
元戎	五七
溫甫讀書城南寄示二首	五七
早發沔縣遇雨	五七
初入四川境喜晴	五七
梓潼道中有懷馮樹堂陳岱雲	五八
早發武連驛憶弟	五八
三十三生日三首	五八
國士橋	五九
哭少時同學某	五九
送妹夫王五歸五首	五九
訓九弟四首	六〇
贈梅伯言二首	六〇
夜直苦寒	六一
吳宮黃病中屬市鹿尾	六一
臘八日夜直	六一

失題四首	六一
丁未六月七日考試漢教習試院作二首	六三
武會試闈中作	六三
送孫芝房使貴州二首	六三
書邊襄石詩集後二首	六三
送梅伯言歸金陵三首	六三
訓李芋仙二首	六四
次韻何廉昉太守感懷述事十六首	六四
讀吳南屏送毛西垣之卽墨長歌卽題其集	六六

五絕

讀李義山詩集	六七
--------	----

七絕

入陝西境六絕句	六七
題畫竹次醇士前輩韻二首	六七
送唐鏡海先生九首	六八

曾文正公詩集 目次

六

壬戌四月沉弟克復巢縣和州含山等城賦詩四首.....

六八

沉甫弟四十一初度.....六九

新式
標點

曾文正公詩集

四言

題楊忠愍公二疏手草

古孰無死？曾不可班。輕者毛鴻，重者泰山。楊公正氣，充塞兩間。遺文妙墨，深播人寰。馬市一疏，聲振薄海。更擊賊臣，五奸十罪。心追逢比，身甘菹醢。取義須臾，歸順千載。翩翩諫草，猶存手稿。古柏擎空，似枯彌好。鬱此英風，輔以文藻。長有白虹，燭茲壤寶。

題易公筠亭遺像

昔歲在丑，詰人西遊。我作挽辭，比許文休。馬磨既甘，不競不綵。亦有月旦，胸剖九流。東崖奉親，朝戲綵舞。暮歸讀書，羣言藻斧。鄉閭屢試，爨無完桐。文章憎命，淚灑秋風。不於其躬，迺祚其子。濯濯芳蘭，芥拾青紫。弓冶不墮，載述先芬。瞻言遺像，永播青塵。

五古

雜詩九首

早歲事鉛槧，傲兀追前軌。張網挈陬維，登山追岌岌。述作窺韓愈，功名鄰侯儼。三公渺如梯，萬金睨如屣。腸胃鬱千奇，不敢矜爪觜。稍待蘭薰滋，烈芬行可喜。豈期撾鴛駘，前驅不踰咫。滔滔大江流，年光激若矢。春秋三十一，頑然亦如此。染絲不成章，橘遷化爲枳。壯盛百無能，老蒼真可恥。

樽散吾所甘，多是慚毛裏。西山何鬱鬱，白日馳昭昭。六街淨如練，雙闕凌神霄。沈沈府中居，員井鏤瓊瑤。眾惡周四角，窗霧漾蛟綃。公子盛文藻，九陌鳴金鑣。羣從袂成幄，掠風馬蹶驕。紅燭舞絳雪，會宴皆金貂。朝餐羅鯖鯉，晚衙沸笙簫。今夕既相酢，明日還見招。天高地則厚，何事不逍遙。

手蹴不烘爐，足駢不趨徑。問我何自苦，我歌君且聽。激湍無駐波，止水光凝凝。榱棟興櫺櫺，豈曰非天定。束蒿代虹梁，於道未爲稱。朝菌濃濡露，天天不及暝。適意一須臾，骨朽猶詬病。可憐繁華子，醉夢幾時醒。炫妝豈無服，自媒羞妾媵。已矣吾何營，閉戶覽明鏡。

傷禽悲弦聲，遊魚驚月影。丈夫貴倔強，女子多虛警。強弧有時弛，夷塗有時梗。颶風揚海濤，潮平已復靜。君子別有憂，衆人恐未省。

霜落萬瓦寒，天高月浩浩。美人在何許，相思心如擣。我昔覲美人，對面如蓬島。神光薄軒墀，朱霞蕩初曉。彩鳳儀丹霄，顧視無凡鳥。意密恩還疏，微誠不敢道。貽我彤管煒，粲兮希世寶。可憐金屋恩，長門闕秋草。謠詠日以多，觀閔曾不少。籠眷難再得，蛾眉行衰老。區區抱私愛，夜夜祝蒼昊。

天鷄鳴半夜，六合未清曉。烏鵲鳴向晨，羽毛誇矯矯。一旦金丸驚，戢翼暗百鳥。鴟鴞流惡聲，萬方憂集蓼。青蠅鳴棘樊，繆彰復虛囂。閒鳴百無補，嗟爾秦吉了。螻蟻草間鳴，亂人徒擾擾。

入門忽悅悅，出門復皇皇。嗟我素心人，各在天一方。庸夫厭鼎食，誼士謀糟糠。奔走徧天下，歸去仍空囊。秋老

江湖闊，何以慰淒涼？勿勞我之思，我今足稻粱。所憂非所職，所樂殊未央。日暮登高邱，四顧何茫茫！落葉東南飛，孤雁西北翔。思君不得覲，慘澹詠斯章。

松柏翳危巖，葛藟相駒帶。兄弟非它人，患難亦相賴。行酒烹肥羊，嘉賓填門外。喪亂一以聞，寂寞何人會？維鳥有鷦鷯，維獸有狼狽。兄弟審無猜，外侮將予柰？願爲同岑石，無爲水瀨水。下急不可磯，石豎猶可礪。誰謂百年長，倉皇已老大！我邁而斯征，幸勤共羸糲。來世安可期？今生勿玩愒。

誰能烹雋燕，我願燎桑薪。誰能釣巨鼈，我願理其綸。南澗筆蘋藻，可以羞鬼神。大材與小辨，相須會有因。嗟余不足役，豈謂時無人？

里胥

牛羊忽竄突，邨社雜喧譁。昨聞府牒下，今見里胥來。「召募赴戎行，羽檄馳如雷。後期不汝宥，行矣胡遲迴？」老嫗搥胸哭，哭聲亦何哀！「龍鍾六十餘，伶仃惟一兒。弱小不識事，黃犢母之隨。筋力儻可食，或免一家飢。薄命不足惜，兒去傷永離。」老嫗泣未闌，老翁跪致辭。「王事亦云棘，婦人那得知？螻蟻穴寸土，自荷皇天慈。天威有震疊，小人敢疑猜。貧者當敵愾，富者當輸財。便當遣兒去，不勞火急催。所媿無酒食，與吏佐晨炊。」貧者勉自效，富者更可悲！隸卒突兀至，誅求百不支。舊籍紈袴子，纍纍飽鞭笞。前卒貪如狼，後隊健如犂。應募幸脫免，傾蕩無餘貲。吁嗟朝廷意，兵以衛民爲！守令慎其柄，無使胥吏持。此輩如狐鼠，蓁蓁肆恣睢。聊爲適人徇，敢告良有司。」

送吳榮楷之官浙江三首

讀書三十年，今來始一試。自抱輪囷材，構廈隨所置。世人苦寒儉，舞裯先擇地。斤削不能遷，罍盎各自器。君子儲百用，多藏如列肆。深厲與淺揭，所向皆如志。君本青雲士，摩空排健翅。置之承明廬，枚馬當假轡。才多厭閒散，翩然去作吏。方今清華秩，駢拇僅云備。不如膺專城，弛張從吾意。觀魚莫結網，網過酷於餌。治絲莫求多，緒多亂神智。聖朝淪洽恩，陬澨實漸被。可憐蚩蚩氓，惇惇還好義。願君愷弟思，隨時勞撫字。

西湖吾未到，夢想若遇之。荷花夏如海，當春萬柳垂。秋月隨潮湧，暮霽天無涯。三百六十寺，嵐翠渺迷離。君去事幽討，抉剔發天倪。餘慳收昔遁，奇賞獲新知。朝餐吸山綠，暮雨張水嬉。尋碑嗅梅藥，獨往無人隨。政成無一事，風流方在茲。懷抱一如彼，江山復如斯。此樂可持贈，寄我千首詩。

鄉閭昔相從，殷勤託詩酒。再來長安道，舟車並攜手。如今彌曠遠，脫然絕窠臼。少年尙意氣，崢嶸各自狂。風塵飽所諳，蒼然皆老醜。激湍亦已平，真氣充戶牖。相見無藩籬，灑落真吾友。昨夜秋風來，嫋嫋涼生柳。念子當乖離，旁皇如失守。萬族各有營，歡聚焉可久。意趣苟無違，秦越如左右。後會知何年，今茲歲在丑。

題錢崙仙同年慈竹平安圖二首

冉冉南山竹，柯葉互檀欒。上有一片雲，下有九畹蘭。清風相戛擊，虛碧鳴秋寒。玲瓏走鞭散，抗衡勁節干。養成兩雛鳳，文彩何姍姍。高技足棲宿，芳實供朝餐。歸昌忽采律，言振九霄翰。引吭發鉤奏，俯視失鸛鸞。卻麗貧簞谷，依舊青琅玕。年年託美蔭，年年祝平安。

紅塵夜日深，遊子思無已。倦鳥有時還，桑弧有時槿。我有山中廬，槿籬夾綠水。修竹倚大椿，重重互幡條。發矚麤芳蕤，清陰亦何美。依戀會有因，庶往恭桑梓。殷勤寸草心，區區方在此。

寄懷劉孟容

清晨采黃鞠，薄暮不盈襮。甯知弟昆好，忍此四年別。四年亦云已，萬事安可說。昔者初結交，與世固殊轍。垂頭對鐙火，一心相媚悅。炯然急難情，熒熒光不滅。漣濱一揮手，南北音塵絕。君臥湘水湄，辟人苦局鑷。懷璧誤一投，已遭官長別。我作燕山囚，衾襪冷如鐵。塵土塞中腸，經旬間漚泄。夢魂互往還，邂逅在嵎嶠。君魂畏豺虎，我魂阻蛇蠍。明年會長沙，對牀殊咄咄。可憐郭生賢，日夜依我闥。三子展殷勤，五句恣猖獗。自從有兩儀，無此好日月。決渠東西流，人事有蹉跎。當時別江干，懸知成久闊。郭生從我行，再踏長安雪。束蒿貢廊廟，塗丹強作闥。磐松困澗底，千歲老不屈。行藏一以歧，會合焉可必？知君障污塵，憎我逐煩熱。摧蘭擣作齏，本馨固難奪。皇天造羣倫，位置各成列。煌煌帝者都，峨峨集勳閥。前庭充組圭，後閣煖清瑟。大馬疾如飛，萬事如電掣。陋巷時騎過，牆震窗紙裂。而我支肘眠，朦朧兀頑劣。視蔭呼晚飯，終年曾不缺。癡兒亦肯堂，四齡已饕餐。所愧偷太倉，無異哀窮乞。羨君老巖阿，間味甘於蜜。嗟哉趣豈殊，所處良不一。坦蕩觀皇途，轉側思我室。永懷素心人，悠悠難具述。

題周小邨前輩塞外課經圖

肉食多亨途，通儒遘百閔。時蹇心匪乖，身窮道未窘。周君信奇倅，天機苦捷敏。昔歲乘青驄，羣飛畏秋隼。偶被金丸驚，可憐翠羽隕。十年遼海行，九月邊風緊。銅雀夢觚稜，鐵衣錦績純。自信茲遊豪，甘受世人哂。日日抱叢書，森森如束筍。吾道儻欲東，獨善良不忍。此邦盛球琳，多士紛籛菌。斧斤試一施，穀率聊可引。弟子初反車，先生大到困。文囿張百旂，經畝接千畛。但期道傳薪，未要歸載轡。昨者唱刀環，塞外回文軫。勝事告友朋，餘味足咀吮。方

今柄師儒，華秩半卿尹。虎觀車如龍，辟雍市如蜃。會看招旌旆，且須嚴韞躬。稽古榮復榮，吾言非蠢蠢。

地用莫如馬二章思賢也

地用莫如馬，越險思驍騰。豈無汗血種，相求亮未曾？萬鍾繼稟粟，千金罄鉤膺。隆儀苟一闕，麒麟休漫稱。人用莫如龜，幽宿能廢燭。告猶儻見從，外侮敢余毒。從短翻棄長，惜哉支牀足。良無藻稅登，不如塗泥辱。

題龍九詩

李唐刻聲律，初響鏗華鐘。逮及下衰時，切切鳴寒蟲。扶輿發朝氣，百彙曜鱗龍。缺月夜騰光，不與東昇同。秋霜入科木，色黯蒿與蓬。文章說心腑，本不從窳隆。能者自植立，餘子靡隨風。孰於衆音颯，玉振開羣聾。君才美無度，大圭宜廟中。君詩如春融，秋爽亦自工。肉好用爲賢，掾刻生芒鋒。南軺斐然作，山水滌襟胸。雜什多未筆，略可芟靡茸。要道鏤不舍，金木隨所攻。且況力肯窮，奧阡辨西東。終然到聖處，今古誰雌雄。

贈李生

生名嗣元，是科四川十九名。余在閩中，最賞其文。揭曉來謁，則神清似郭筠仙，愈傾愛之。看書亦不少，真美才也。年廿二歲。因作古風一首贈之云：

岷山萬仞雪，太古人迹稀。中有窈窕谷，綠蕙芳以菲。幽芬亦已鬱，賞識方庶幾。澗邊棘荆滿，山上春草肥。託根亮同地，豈辨誰是非。地亦不能易，香亦不能飛。忽逢荷樵子，采擷盈裳衣。臨行再三嗅，俯仰情依依。由來有臭味，

不必崇知希。

西征一首呈李石梧前輩

我昨賦西征，燼燼實朱夏。烈日焚八荒，息影無寸暇。屏體甘所侵，炎威肯少借。一病罹百艱，煩煎竟日夜。夙昔傷勁弓，聞弦神已怕。壹志事呻吟，魯儀任嘲罵。瘡痍難指名，熱寒互嬾謝。粒食經旬辭，况能問燔炙。帶月方首塗，參橫未云罷。顛簸筇輿中，磋磨破腰膀。奴子蒼黃詢，庸醫再三詫。猛然肆造攻，云當一戰霸。惡莠雖已鋤，良苗亦失稼。隔旦嘻其疲，無復平生咤。皮皴面有窪，耳聾氣愈下。慘澹過潼關，沈昏渡清灞。赫赫李中丞，旣旣范韓亞。老熊臥三邊，大羊敢狙詐。聞我至驪山，材官百里迓。秋青長安邸，征鞍庶一卸。旅魄頗飄搖，公來百慰藉。遣僕炊香粳，呼僮伺館舍。徵醫未辭頻，饋物不論價。古誼暖於春，美言甘於蔗。我魂稍稍旋，望蜀仍命駕。裹藥充篋筐，買飴養嬰姪。漸覺身能輕，如馬脫韁韉。吾固慶生存，衆雖亦嗟訝。燕譽多親知，艱難少姻婭。永媿夫子賢，高情壓嵩華。賤子不足矜，西人實沾化。

留侯廟

小智徇聲榮，達人志江海。咄咄張子房，身名大自在。信美齊與梁，幾人飽馮。留邑茲巖疆，亮無懷璧辜。國仇亦已償，不退當何待。鬱鬱紫柏山，英風渺千載。遺蹤今則無，仙者豈予給。竭來瞻廟庭，萬山雪皚皚。赤日展中生，照耀金銀彩。亦欲從之遊，惜哉吾懶怠。

柴關嶺雪

我行度柴關，山光驚我馬。密雪方未闌，飛花浩如瀉。萬嶺堆水銀，乾坤一大冶。走獸交橫奔，凍禽竄荒野。揮手舞巖巔，吾生此瀟灑。忽憶少年時，牽狗從獵者。射虎層冰中，窮追絕壁下。幾歲馳虛名，業多用逾寡。久逸筋力頽，回頭淚盈把。

廢邱關

項王西入關，叱咤何雄哉！鼻息撼山岳，號令如轟雷。分茅割大地，駕馭英雄才。六王既立後，三將還西來。降臣剖符竹，洪度方洞開。廢邱亦善地，百里關蒿萊。桓桓章將軍，飽飽貔虎材。奸豎主帷幄，大將終疑猜。望夷不足惜，此類良可哀。行人一長歎，萬壑悲風迴。

岱雲同年喪妻爲此詩譬之

陳君喪厥妃，善憂世無有。情至生幻機，有夢造王母。紫殿何言言，衆星挂戶牖。穆滿翔其旁，方朔戲其後。陳某幾蝨臣，昧死訴左右。彼有何德功，鸛鸛到白首。此獨何罪辜，生世不少久。剜肉補其天，於德未爲醜。食貧八九年，辛勤足梁筍。何孽之難追，斬刈如惡莠。王母返袂泣，倉皇頗怵怩。方朔踉蹌出，曰余不執咎。衆生自生滅，非神有官守。高秋金氣肅，萬葉同衰朽。朝落非獨殤，夕脫非獨壽。皇天了不知，無人司薄厚。不見狼臨女，蓬頭雙足垢。一生不洗左，媚夫稱佳偶。亦有綠林豪，掠人如雞狗。堂前妖姬舞，堂下鬼妾走。彼雖得偕老，於君意可否。此雖中道捐，名聲極萬口。令妻果然然，何必在駘者。惡妻不可言，牀第森械杻。陳君翻然覺，再拜謝善諉。歡喜不復愁，逢人但索酒。

寄弟

昔我初去家，諸弟各弱小。阿季髡兩髦，覷人眸子瞭。後園偷棗栗，獮升極木杪。叔也從之求，揖我謂我矯。分甘一不均，戰爭在毫秒。余時輕別離，昂頭信一掉。老弟況童騃，樂多憂愁少。瞥然成六秩，光陰如過鳥。世味一飽嘗，甘心厭荼蓼。夢裏還鄉國，溝涂苦了了。朝企恆抵昏，夕思或達曉。君詩忽見慰，迴此肝腸繞。生世非一塗，處身貴深窈。衆萬奔恬愉，聖賢類悄悄。二陸盛揆張，鶴悲嘆江表。夷齊爭三光，豈不在餓殍。我今寄好語，君聽其勿藐。一願先知命，再願耐擗標。

乙巳春闈謝戴醇士前輩畫竹

余少淪賤貧，學書等畫塲。中歲偷太倉，誤爲金紫紉。文字雖所攻，淺嘗不能半。邇來又十年，拋棄如土炭。豈謂選佛場，謬來事襄贊。列仙盛瀛洲，腰魚何璀璨。禁院局重棖，沈沈宵桂觀。鍵戶無一營，馳箋鬪豪翰。蘸藍埽秋葉，斯須復堆案。衆雖亦好事，奔命極雨汗。藪嵩聖雲孫，三絕天所歎。干謁填其廬，離門說三換。竭來困棘闌，逢人句脫腕。爲余寫新風，竹筠兀繚亂。呵壁呼老可，筌案何足算。我雖不解畫，著古頗知岸。但得琴中趣，何必工抑按。爲報青琅玕，微詩庶一粲。

請醇士前輩畫竹歸貽樹堂題詩一首

孔翠閉雕籠，失羣忤本性。懷我如玉人，三旬闕賓敬。老醇今鄭度，支離頗自聖。余爲揚其波，畫詩極輝映。寫此

貽君子，持將作寶鏡。筋以喻其文，幹方晚節勁。桃李漫紛紛，語君勿與競。物外求交知，塵中關幽寢。

又贈筠仙一幅

人生有乖隔，咫尺成關山。我心日百轉，從來輸石頑。曰吾語戴侯，君在張李間，爲君畫新竹，幽澹不容攀。我家雙谿上，萬竹圍沙灣。涼夜幽篁裏，月冷水潺潺。行攜子偕隱，鹿豕相往還。詩名滿天地，蹤跡混榛菅。

送王子壽歸荊州五首以高步追許由爲韻

冠組墮塵海，與世日滔滔。豈知魯連子，脫身美遯逃？十輩蜩與鸞，跳踉不能高。黃鵠冥一舉，大地如秋毫。揮鞭拾科名，咄嗟踏天路。四十非不彊，萬卷非爲具。尋直如可期，須臾得少駐。側聞馮潛郎，龐眉守故步。盛年窟關輔，結客頗支離。負米半天下，有婦愁朝炊。詩名滿湖海，持是欲安之。菰中一漁笠，懷哉不可追。天人互轉旋，時勢有虎鼠。結交貴結心，甯當變寒暑？可憐拙匠斤，謬被瓌人許。一杯君強酬，無人解觴汝。皇明燭八極，小范臥西州。嗟君老從事，招招豈無舟？廢興難可道，時來不自由。投竿要起，何代無馬周？
(王君嘗爲林少穆制軍幕府從事)

送陳岱雲出守吉安

驪駒且莫喧，我歌始一放。憶昔初逢君，漢濱俯高浪。同拾春官第，天門踴閭閥。射策干義軒，挾神一何王。君唱我斯于，躡履星辰上。雙鳥不分飛，短翎實所傍。借屋兩頭居，嬉遊不可狀。六月寒瓜肥，嚼冰滌府藏。劈半持作饌，